

廣成集卷之十三

殿一

上無天清宮中供奉奉劇李太極師住道

莫庭入為安撫張副使生日周天照詞

伏聞道分一氣人配三靈善惡發於丹誠吉

凶應於玄極苟與嘉願必叶殊祥况在名山俯臨仙洞炷香祈願澄懇陳詞必能響達神明顯垂福社伏以雷川安撫副使張琳稟澄遠之誠秉清正之心穎鑒無私忠貞不撓推公奉主虛懷同止水之明柳下恤人從善有轉規之易况連管魏尤四時之福實皆豐積歲千戈千里之執輸無闕官惟憂國志絕管家每切勤恭動忘寢食人皆文賜孰不知恩臣孤子官名低摧翅羽恃其拯護方果奮飛思禱真靈用申答効今屬陽和動煦林谷舒春晏記生辰度修大醮仰星文而貢懇遍川嶽以歸心香雜漢雲燈和嶺月千巖景寂午夜風清展肅恭莊敬之儀備蕙蕩蘋馨之禮伏願光廻三景臨降十仙鑒茲臚酌之誠錫以昭彰之福延二首六身之壽除五行三命

之災善功克懋於仙階陰德先隆於世緒然後封隔寧謐邊徼晏清瘴癘無侵戈鋌罷用聖主洽垂衣之理藩垣著柔服之恩幽顯咸安飛沈各遂敢忘砥礪以奉休明不任

莫庭入九宮天符醮詞

伏以博厚成形中黃定位統水火而稱長冠金木以居專孕育萬靈苞含五緯上惟邦國下及人倫凶吉攸司安危是繫臣本官震封五鬼所臨運氣飛旗仍當此月恐為災厄尤切憂惶度考吉辰精修醮禮伏惟鑒其丹懇錫以鴻休迴危就安變凶成吉解災除厄增祿延年眷屬康寧公私和泰不任

東修南斗醮詞

伏以大道凝真玄功化育清濁之源既異陰陽之位亦殊南斗上官實司生籍上惟邦國遍泊人倫壽紀短長祿祚豐薄咸歸主宰無間纖微臣等獲遇聖朝躬逢道運履載稟質動用愆違處世立身寧無過咎未申懺謝因搆災危又恐宿曜行年九宮三命或逢災厄或遇刑衝神道難知凡情同測須資香火用

罄禱新敢以言辰庚申大醮伏願流光下燭玄鑒俯臨察丹切之心降厄洪之福祛災度厄增祿延年削罪自於陰曹上生名於陽籍公私和暢眷屬康宜存及沾恩幽明蒙祐不任

胡賢常侍安宅醮詞

伏聞易象垂文取諸大壯聖人著法代彼層巢棟宇聿興古今是則由陰陽而定位配刑德以裁規爰命眾神各司其職運之則凶而獲戾順之則吉而降祥臣頃以所居不庇風雨因時改作隨便營修越月逾時巨功告畢但慮起土運石墁下積高春鍾所侵不知禁忌穿鑿所及有犯神明未申醮謝之儀常切兢憂之懇兼以所居之地五姓相因歲月既深主宰非一慮其神識尚有淹延憑此醮行俱令遷拔是敢肅嚴庭宇恭啓法壇請靈寶符文按太玄科典降延真聖披露懇誠伏惟五帝鑒臨眾神昭祐勅下符吏宣告地司安鎮龍神銷平犯觸使凶殄殄息真氣滂流穢未兆之災衰納惟新之福祚滂伏尸故氣還

滯魄遊魂自明及幽咸得其所六甲五行之象九宮八卦之方各靜封隅永垂貞吉闔門清泰舉室康宜勉勵修勵之心以副真靈之貺不任

胡璠尚書地網醮詞

伏聞五緯稟生三才列位荷陶鈞於至道感孕育於上玄而曆運推移陰陽升降吉凶倚伏寒暑循環否往泰來災生福過考諸物理斯為格言況在庸虛敢忘戒懼臣行年之內併屬災期大運居甲辰之中小運當丁巳之上又茲兩月咸直四宮是地網之鄉兼本卦之位恐成厄會無所告禳更慮宿曜加臨飛旗應變五行刑尅三命衰微雖驛馬臨年恐災能制禍退思履行內省身心須在懺祈用明哀懇爰憑吉日虔備醮壇延降尊靈以希照鑒伏惟三官五帝下燭丹誠斗極星君俯流鴻澤注延生之錄錫以福祥焚積罪之書赦其瑕咎解災凶於地網銷厄運於冥宮使壽紀增新休貞允萃公私和泰眷屬安寧永承濟護之恩敢負真靈之祐不任

尹居紘辛酉本命醮詞

伏以大道宣功三靈資始稟形賦命表識定生體化育於坤偶乾奇配吉凶於天曹地府三官考校罪福無遺五帝主張死生咸繫臣願惟塵陋獲奉休明籍係中樞名參內署驚闕下叨步武以多慙日月光中揣分涯而增懼微功未著積過必深每慮前世宿瑕此生罪咎未申懺滌難遂原除又恐三命五行天文年運或逢厄會或值災期犯神明主宰之司違仁義玄儒之訓或侵人利已或故殺誤傷罪目易盈善功難就或壽齡促少或稟祿單微常於元命之辰式備醮祈之禮兼將課念上奉明靈旋以天步艱危神州紛擾或脫身林嶺或奔命道途五任于茲不遑奏醮香燈既曠寢食難安今屬銜命西南稅銀岷劍道路無阻關梁大開帝澤天波遐通於四裔歡聲喜色震曜於一方況此少城實惟仙府可以冥心真懇可以禱福析真爰卜命辰仍當本命賈持信禮撰備香花併以此時追填往醮精誠有達靈鑒必通伏惟抹納丹襟

降流洪福獲酬昔願更洽新恩賜臣災厄蠲銷祿算延遠存亡俱泰眷屬咸安上願社稷興昌乾坤肅靜三光順軌六氣均調武偃文修時和俗阜克廻鑿輅永固龍圖俱諧虔祝之心盡觀太平之運不任

皇后本命醮詞

伏聞大道垂文玄元演教佐時助國宣化度人功格象先惠周物表實章上御人間之懇願必通天澤下臨真境之休貞允降羣生蒙祐巨細無遺若今年大運所值三殺之位小運支木官衰弱之中干祿納音俱逢土塞飛旗四殺仍在實鄉羅睺躔尅姓之宮土星臨乖背之宿火曜行度將入身官行年所經況當地網又醫方所診臘氣未調榮衛未和正氣衰薄六脉未復九府猶虛恐構災凶更深厄運又恐積生往世冤債未除運意行心罪瑕旋結須憑章奏藉進懺祈是敢依按明科選求良日列詞備信拜奏章文請天官吏兵降鑿營護兼內安腑臟外却災山上解星辰臨照之期下銷年命刑妨之咎寬仇和釋債

訟獨平六氣舒通百關調理表危超度命祿
增延北官短促之年南極注退長之壽伏
惟至真大道太上三尊常弘憫濟之慈允錫
安其之福普虔忠孝克勵身心讚明君化育
之仁報至道生成之澤不任

道門為皇帝醮太一并點金籙燈詞

伏聞一氣肇胎萬形資始高垂象緯明判剛
柔統御之權歸于至聖天命帝以司牧帝承
天而撫臨攝提握耀之初君臣定位揖讓干
戈之世道德兼行時危則玄德彌彰運否則
洪休自廣大蜀英武睿聖光孝皇帝德符宵
昊功被生靈受命儀乾永康三極神明符讚
人間之玉燭調時律曆均和天上之珠囊叶
度俗臻豐衍歲有蕃登美瑞嘉祥日書月至
猶復晝乾夕惕恭已奉天貪敬幽明憂勤儉
此專極關救焚之念無蕩心悅目之娛軫慮
萬方期于仁壽昨者以四神行運在咸池之
官直符所臨次明堂之野旋興戈甲尋致赴
平彼背盟構逆之徒思漂杆燭枯之欺斯則
神散唐德天助皇威暗變災成福之祥示國

泰祚延之兆今則歲幸云暮氣存將友荷即
日之玄恩禱新春之景貺願酬聖力輒罄齋
誠燃金籙神燈備河圖大醮伏惟高尊鑒省
大帝威通十神常介其休光三載允承於福
祐寶國隆永宗廟安寧皇帝等壽五山齊明

二景八絃順化萬國宅心皆臻有道之風盡

神不庭之孽皇太子重明耀彰文教幸昌輔
督睿謀延洪大業六官百揆咸均翼戴之心
兆庶六軍俱享久康之福龍神密衛川嶽恒
安幽顯飛沈永承洪澤不任

太子為皇帝醮太一及點金籙燈詞

伏聞玄化肇分二儀構象融結定陰陽之位
神明司巨御之權太一天尊高皇大帝坐勾
陳而臨察命神使以周行於是五行八風天
一地二揚鏡雲露駕景星躔順九野以遐觀
潛施爛誠歷諸方而俯燭顯示吉凶惟古及
今敢忘砥礪臣以直符所屆在明堂之官四
神所行居咸池之位所宜彌潔用整禱祈皇
帝受命上玄握符承統弘慈儉之化敦清淨
之基恩洽太和以康萬國昨者以郵封皆義

越境于盟殘剽恣黎侵凌郡邑旋平凶孽盡
廓氛埃指麾元自於唐謀讚助實資於神力
今則封疆寧晏豫漢爾清星紀迴天歲律云
暮當此月壬申之日乃新歲首直之辰輒備
壇場虔申告謝修太一大醮燃金籙神燈下

照幽關上通玄極蕩祛災滯延降福祥伏願

宗廟安昌往稷隆因寶圖攸永聖壽遐長繼
雲官火紀之崇邁炎漢姬周之業速臻一統
克致大同六官式表於匡扶百揆共傾於忠
謙三光昭朗四序均調歲有豐登俗無疢癘
龍神悅豫成五風十雨之祥川嶽久康流澤
馬器車之瑞昭明丹懇上達真靈仰祈鑒祐
之恩廣錫延洪之福不任

靜遠軍司空承肇本命醮詞

伏以至道生成玄功陶鑄陰陽主宰品象區
分稟質誕形仰資神化巨獲逢道履叨荷朝
恩被服寵光主張戎什省功庸而未著顧塵
忝而已深夙夜揣循敢忘惕勵尚慮兼修或
闕復行多違旋積愆瑕未申懺滌或五行三
命有刑剋之期九曜列星有照臨之數或宿

仇未釋或往債未祛神道難明常情靡測因
成災滯悔謝無由輒於本命之辰爰申醮酌
依天具科格拜伏大章伏惟高聖感通真靈
鑒護察其丹懇降以玄恩災厄銷平壽匪延
益潛增祿祚廣赦罪愆解已往之冤離錫將
來之福祐誓傾忠孝永奉君親不任

皇帝於龍興觀醮玉局化詞

伏以天分列宿地布名區燦垂象於圓羅儼
福庭於方澤明施主掌以祐邦家竊惟玉局
洞臺玄元降跡鎮茲都會密邇城闈年紀徒
深光靈不泯虛寂靡殊於林谷貽祥每及於
蒸黎常切敬恭敢忘瞻奉伏自祗膺曆數啓
創朝庭象闕端門須就正陽之位霜壇羽殿
遂從還華之宜而石室洞門老君真像陳基
燭朝香之禮惟務恪虔接龍輝鳳闕之嚴彌
加崇潔固可以與天共永終古長存尚慮主
宰龍神陰陽官屬興功擾動衆役喧騰既踐
暴以為憂慮離析而懺謝爰自吉日式備香
壇翹注匪遐真靈必鑒伏惟玄元降祐大道
開恩赦已往之尤違錫將來之禎祚使寶圖

延永杜稔安寧風雨均調龍神斬腫災期蕩
滌罪咎銷平其有直符太一之運行將移地
分火曜土星之臨照欲及身宮願迴力以護
持致微躬之昭泰烽燧不飛於四境疹癘無
挽於兆人永誓丹襟上奉玄貺不任

勅醮諸名山大川詞

伏以道列三界地載羣生或仙人修鍊之鄉
或真官總治之所靈基有觀神化無方朕寅
奉上玄光膺大寶俯循區域在潔禋祠邇者
軍國事繁干戈歲用未違周普常抱惕思
述虔恭庶消災咎今命三洞道士并遣使臣
嚴備醮儀潛通玄鑿所願四時有裕六氣不
侵壽命延長邦家興盛皇枝帝祚百辟千官
內自朝廷外及區宇億兆之衆福祐咸均敬
託音詞粗陳丹懇不任

皇帝醮仙居山章仙人詞

大蜀皇帝謹稽首北邙化得道章真人夫以
紫府高真玄洲上士乘鸞駕歛坐有立無昇
汗漫以遊神入鴻濛而隱景或明符邦社旁
濟生民或幽贊帝王共清石塞李順興保持

靜帝陶真白佐蕭王子年潛諫於府君意
期密悟於昭烈稟之則受格介福忽之則違
言貽憂煥彼縑緗皎同日月今者百姓郭廻
芝林藥於仙居觀得真人天寶年所留銅牌
六十字之周旋名姓與年辰備在二百年之

藏秘錢文與篆跡皆全嗣續具明日時無爽
首侵土蝕固當靈將護持應驗合符實荷真
人示見顛惟蕩德顯契休徵事超於赤伏黃
圖理冠於鳳銜龍負既親延長之數敢忘兢
業之懷爰啓醮壇冀酬玄德仍雜藜川棘澗
日僇工俾翠檻朱簷鼎新舊址柳樓遶柱重
認歸途虔祝真靈鑿茲昭報三十六天宮之
達必降威光萬四千甲子之期水言佩服不
任

皇太子醮仙居山詞

伏以日闕霞房為天中之都會瑤壇桂殿乃
人世之福庭或真聖之所宴遊或神仙之所
窟宅莫不載奇極秀演既流祥濟祐人天幽
贊邦國惟茲古觀果顯殊積得天寶真符出
老君秘記全文鳥印篆字虬蟠分明而瑞跡

如新拂拭而首痕尚在幾千年之前定聖主
開圖二百歲之昌期吾皇享國御名國姓生
日年辰一指陳重重符驗繼書薄德備列
姓名載詳圖錄之文益切兢管之懇遐瞻煙
岫仰感靈恩報因照酌之筵遙真契修之念
上願洪基克固比漢渤以無涯聖壽增延並
岷峨而更峻九圍順化萬寓歸仁普度忠孝
之誠以副真靈之祐不任

廣成集卷之十三

廣成集卷之十四

致二

皇帝熙仙居山詞

上朝太清宮高真奉恩制奉天德賜紫杜處選

伏以聖主明王必臻符瑞膺圖受錄受署謳
歌既居億兆之尊遂忝帝王之命泊臨大寶
將及六年教化未泰於生靈華裔尚乖於正
朔兢兢業業同敢違寧慮刑法之不均恐賞
罰之非當屯兵絡野念富庶之未臻暴骨盈
川固殺傷之不一每思首謝用贖愆尤敢言
圖識之文併屬庸虛之士今年七月八日漢
州什邡縣百姓郭迺芝於仙居觀採藥掘地
得銅牌長七寸廣四寸上有六十字云老子
通天記云丁卯年甲戌乙亥王生享二百年
天子王從建王元膺王萬感王岳王則王道
宜五字篆文未詳後云洛州北邙化章弘道
天寶年留此明後聖代顧惟薄德遽捧殊祥
云曆數之延長紀于籙之次第佩服玄既益
用兢兢敢罄深衷專申酬謝伏冀畢朝福地
總召名山各駕仙車共歆丹懇示安社稷咸
泰人民致風雨之不愆俾千戈之戢戢繫額

靈觀深冥于懷不任

皇帝修靈符報恩照詞

伏聞惟天降祐彰瑞於河圖洛書惟帝法天
受命而膺符執契古今所稟曆數迭興臣運
偶玄休德整寡昧承土德陵夷之後億兆無
依叶金莖啓創之初蒙瀛推戴恭膺天寶于
茲六年常以未明求衣日旰忘食兢兢業業
上奉穹昊今則銅版靈文出於古觀示太上
降祥之兆應承乾受命之徵名姓具彰年辰
畢載斯乃豫定於九天之上先期於億歲之
前秘篆昭宣真文煥赫告延洪於寶杵表遐
永於孫謀省已循懷以兢以懼欽惟靈醴彌
切勵修是用虔肅實齋依歸至道庶諧多福
永庇萬方不任

聖上於葛仙本命化照詞

伏以景列上玄山分下土乾坤交應罪福攸
司緬彼靈蹤鎮于天府藏雲噴雨旁資生化
之功玉洞瓊巖深閤神仙之宅果叶殊休之
運更膺開國之祥惟此命辰配茲真境契清
明之嘉候耀大火之靈光當人天禱福之期